



P R Æ F A T I O



Ametſi cauſæ mihi fuerint plures  
ut ab ulteriore Obſervationum  
continuatione deſiſterem ; per-  
motus tamen ſum, non adeo vo-

luptate mea, quam rogatu amicorum quo-  
rundam, ut, quæ habebam parata, & quæ  
plura vel ex auſcultatione, vel meditatione  
propria eſſent obſervanda, in ordinem re-  
digerem, atque ita Tertium hunc Librum  
Obſervationum componerem, ne priores  
numero veluti reſciſſo & imperfecto con-  
ſtarent, ſed totum opus numero rotundo  
CCC. abſolveretur.

Terminum vero mihi hic poſui ſcrip-  
tionis, neque præter ea quæ edita ſunt, ul-  
teriora expectare amicos volo, cum vitæ



PRÆFATIO.

meæ, quod reliquum erit, tempus, ad alias me vocet cogitationes. Quæ vero de forensibus rebus Judicii Imperialis literis consignari poterunt atque edi futuro tempore, (est enim hujus studii materia frequens & fere quotidiana, neque ego ea sum vanitate ut existimem exhausta nunc esse omnia, nihilque amplius, vel etiam melius, proferri posse) hæc aliis relinquo Dominis, quorum facultatem meâ præstantiorem veneror, voluntatem exopto.

Nihil autem magnopere præfandum amplius habeo, cum in Epistola Dedicatoria Libro Primo Observationum præmissa omnia quæ etiam ad præsentem faciunt Librum, dicere occupaverim.

Addere poteram nonnulla ad Observationes facientia, de Sententiarum Cameralium formulis quibusdam, in quibus locutiones videri possent supervacuæ, iis cumprimis, qui fori tantum sui stylo operam



PRÆFATIO.

ram dederunt. Habet enim unumquodque fere Judicium formulas peculiare, interdum satis ambiguas. Hæc tamen res opus habet expositione & meditatione prolixiore. De Sententiarum Cameralium stylo, quæ sufficere possunt, dixi in Præfatione ad Collectionem editam Francofurti Anno MDCCXV. De ipso etiam modo referendi, dictum alibi satis. \*

Porro in mentem veniebant aliqua, de Juramentorum, quibus à calumnia purgare se solent litigantes, frequentia, forte moderanda, sed memini quod ea de re cogitationes meas protulerim alio loco. \*\*

Tandem occurrebant dicenda de formulis postulationum sive Recessuum, quibus

):( 3

\* *Commentat. Systemat. sect. II. §. 5. & in Notulis zum gründlichen Unterricht vom Unterschied der beyden Höchsten Reichs-Gerichter pag. 112. adde Volum. I. Præfat. ad Symphorem. Consultat. Forens. in fine.*

\*\* *Commentat. Systemat. sect. I. §. 6. sect. II. §. 6. num. 52. & ad Magenhorst. Observat. II. XVI. & in Observat. Forens. Observat. CCXCVII. Num. XIII.*



PRÆFATIO.

bus publice & viva voce causarum Patroni utuntur. Ex his sunt aliquæ Legibus præscriptæ, reliquæ arbitrariæ, & in his permultæ consuetudine magis & imitatione aliorum introductæ, quam utiles, moderandæ potius quam retinendæ, quia sunt absque ulla vi & effectu. Verum hanc rem aliorum correctioni relinquere volo.

Unum hic addo, quod in Observationibus nonnullis earumque illustrationibus nomina personarum sint indicata, factum id esse non solum ratione ea, quod aliàs Observatio ipsa fuisset obscurior, neque tantæ dignitatis, quantam esse cognoscitur ex circumstantiis: Sed etiam, quod nihil referre putaverim, fuerintne publice nota personarum nomina, postquam litigantes ipsi causarum merita in Facti Speciebus passim distributis ediderint, ex quibus etiam solis desumsi Observationibus quibusdam annexa Documenta: eorumque fidei tanto plus



PRÆFATIO.

plus tribuendum fuit, si ab utraque parte eodem tenore fuere publicata.

De Fasciculis duobus Adjunctorum sciendum est: Primum, quo continetur Sententiarum selectarum Continuatio, Observationum ulteriorum loco haberi posse, quod facile perspiciet qui Rubricas opera non perfunctoria compositas pensitare voluerit. Eadem ratio fuit Collectionis præcedentis adjunctæ Parti Secundæ.

Alterum vero, Documentorum, ad illustrandas Observationes imprimis facere. Ad quam unumquodque referri queat, hoc relinquendum putavi meditationi Lectorum.

Tandem ut Operi huic accederet Collectio Statutorum breviorum, quorum editiones factæ sunt rariores, suaserunt Domini Collegæ mei & Amici. Cui rei cum operam dedissem sedulo, & ultra anni spatium labor typographiæ Wetzlariensis

mo-



PRÆFATIO.

---

moram traheret, factum est, ut Statutum Ducatus Franconiaë, quod inprimis erat quaesitum, alibi recuderetur, neque tamen retrahi potuerit labor hic incoeptus.

Reliqua ad studium rei Statutariae pertinentia, cum recensione eorum quæ sunt edita, quæve in manuscriptis asservantur, & quæ ad suppellectilem meam librariam sunt collecta, exposui in Præfatione peculiari Collectioni præmissa.

SOLI DEO GLORIA.



SERIES